

DON SÁHTÁT IEŠ ISKKADIT LEA GO DUS KLAMYDIA

Klamydia lea dat seksadávda mii dávjjimusat gávdno Norggas, sihke dievdduin ja nissonolbmui. Iskkat iežat!

KLAMYDIA IEŠ-ISKAN

Dearvvašvuodastašuvdna fállá dál ieš-iskadeami klamydia ovddas. Sáhtát iskkadit dearvvašvuodaguovddáža iskkadan-hivssegis.

GEAHČA DÁS MOVT ISKKADEAMI ČAĐAHA

Bálvalus lea nuvtá ja don dagat dan ieš, ja dus lea alddát ovddasvástádus.

ISKKADAN-HIVSSET

Du iskosa bijat oktan devdojuvvon skoviin konvoluhttii man guođđá sierra iskos boksii. Iskosat čohkkejuvvojit ja gieđahallojuvvojit dearvvašvuodastašuvnnas. Jus iskos lea posiitiiva, de váldá dearvvašvuodastašuvdna duinna oktavuodá ovdal go leat guokte vahku mannan viidásit čuovvoleami ja divššu váste.

MII LEA KLAMYDIA

Klamydia lea infekšuvdna mii njoammu seksa oktavuodas, ja sáhtá njoammut viigái, návlái (gožžaráigái) ja bahtaráigái. Divššu haga sáhtá klamydia earret eará dagahit váttisin máná oažžut. **Kondoma suddje njoammuma vuostá.**

DÁVDAMEARKKAT

Dábáleamos dávdamearkkat lea go spiiddista go gožžá, ja/dahje gožža-/cissaráiggis golgá (sihke dievdduin ja nissonolbmui), ja nissonolbmui sáhtá viiggás golgat. Dievdduin dávjá saknida gožžaráigi. Nissonolbmui sáhttet lassin lea jeavddaheames vardimat.

Dávda sáhtta maid dai mielddisbuktit bákčasiid vuolledábiin ja febera. Hárve sáhtta maid dai vásihit vássevaš lađasbákčasiid.

GOAS BERRET ISKKADIT IEŽAT?

Mii ávžžuhit ahte buohkat geat leat anašan kondoma haga ođđa olbmuiin váldet klamydia iskosa. Mii ávžžuhit maid dai ahte válddát iskosa jus vásihat ovttá dahje eanet klamydia dávdamearkkaid.

Bálvalus lea nuvttá, ja čađahat dan ieš – ja ovddasvástádus lea du iežat.

DEHÁLAŠ DIEHTU BUOHKAIDE GEAT VÁLDET KLAMYDIA IEŠ-ISKOSA

- Mearkkaš ahte váldá 14 beavvi vejolaš njoammudanáiggis dassáži go sáhtta váldit iskosa. Jus oaččut negatiiva iskosa ovdal go leat mannan 14 beavvi, de ávžžuhit ahte válddát ođđa iskosa go leat mannan 14 beavvi, nu ahte leat sihkar.
- Válde liibmabáhpira mainna merket iskkusbohttala namain ja riegádan- ja personnummáriin.
- Deavdde skovi ja bija oktan iskkusbohttaliin dan vilges konvoluhttii.
- Guođe konvoluhta oktan iskosiin ja skoviin sierra iskos boksii.
- Bálvalus lea nuvttá, ja don čađahat dan ieš ja ovddasvástádus lea du iežat.

DIEVDDUT – ISKKUS GOŽŽAISKOSIIN

- Ale basa dahje sihko gožžaráiggi ovdal go válddát iskosa.
- Ale leike eret čázi mii lea iskkusbohttalis
- Geavat plástagohpu masa čohkket gočča. Leat vuosttaš gožža mii galgá iskosii.
- Gohppui galgá dušše 5-10 ml gožža, nu ahte lea gožža gohpu vuodus. Jus boahat eambo, dat galgá hissegii.
- Pipeahtain sirddát gočča plástagohpus iskkusbohttaliin.
- Čuovo bagadusa iskkuspáhka duogábealde.

NISSONOLBMOT – ISKKUS VÁLDON VIIGGÁS (RÁVVEJUVVON VUOHKI)

- Gassa iskkussákki cokkat 3-4 cm bajás viigái. Seakka iskkussákki bálkestat ruskalihttái.
- Divtte sákki leat viiggás 5-10 sekundda
- Jorat sákki birra 4-5 geardde
- Válde sákki olggos ovddit viigáseainni mielde ja cissaráiggi guvlui
- Doaje sákki ja luoitte iskkusbohttalii

NISSONOLBMOT - ISKKUS CISSAISKOSIIN (ALTERNATIV METODE)

- Ale basa dahje sihko cissaráiggi ovdal go válddát iskosa.
- Ale leike eret čázi mii lea iskkusbohttalii
- Geavat plástagohpu masa čohkket cissa. Leat vuosttaš cissa mii galgá iskosii.
- Gohppui galgá dušše 5-10 ml cissa, nu ahte lea cissa gohpu vuodus. Jus bohtá eambo, dat galgá hissegii.
- Pipeahtain sirddát cissa plástagohpus iskkusbohttalii.
- Čuovo bagadusa iskkuspáhka duogábealde.

ISKKUSBOHTOSAT

Positiiva iskkus, de váldá dearvvašvuodastašuvdna duinna oktavuoda guovtti vahku sisa, viidasit čuovvoleami ja divššu dáfus.

Negatiiva iskkus, de it gula maidege mis. Jus dus goitge leat dávdamearkkat dahje givssit, válde oktavuoda nuoraid dearvvašvuodastašuvnnain sin rabasáiggis, dahje du fástadoaktáriin. Iešiskan ii bálvaluvvo vahkkoloahpaid ja luomuid.